

(अष्टमोऽध्यायः ॥ वर्गः 1-29)

(9)

33

(म. 10, अनु. 3)

ऋषिः कवषः ऐलूषः छन्दः त्रिष्टुप् 1, बृहती 2, सतोबृहती 3, गायत्री 4-9
देवता विश्वे देवाः 1, इन्द्रः 2-3, कुरुश्रवणस्त्रासदस्यवः 4-5, उपमश्रवाः मैत्रातिथिः 6-9

प्र मा युयुज्रे प्रयुजो जनानां वहामि स्म पूषणमन्तरेण |
विश्वे देवासो अधु मारक्षन् दुःशासुरागादिति घोष आसीत् || 1 ||
सं मा तपन्त्यभितः सपत्नीरिव पशवः नि बाधते अमतिर्नुग्रता जसुर्वेर्न वेवीयते मतिः || 2 ||
मूषो न शिश्रा व्यदन्ति माध्यः स्तोतारं ते शतक्रतो |
सकृत्सु नो मघवन्निन्द्र मृळयाधा पितेर्व नो भव || 3 ||
कुरुश्रवणमावृणु राजानं त्रासदस्यवम् | मंहिष्ठं वाघतामृषिः || 4 ||
यस्य मा हरितो रथे तिस्रो वहन्ति साधुया | स्तवै सहस्रदक्षिणे || 5 ||
यस्य प्रस्वादसो गिरं उपमश्रवसः पितुः | क्षेत्रं न रण्वमूचुषे || 6 ||
अधि पुत्रोपमश्रवो नपान्मित्रातिथेरिहि | पितुष्टे अस्मि वन्दिता || 7 ||
यदीशीयामृतानामुत वा मर्त्यानाम् | जीवेदिन्मघवा मम || 8 ||
न देवानामति व्रतं शतात्मा च न जीवति | तथा युजा वि वावृते || 9 ||

(14)

34

(म. 10, अनु. 3)

ऋषिः कवषः ऐलूषः, अक्षः मौजवान् वा छन्दः त्रिष्टुप् 1-6, 8-14, जगती 7
देवता अक्षस्तुतिः 1, 7, 9, 12, अक्षकितवनिन्दा 2-6, 8, 10-11, 14, कृषिस्तुतिः 13

प्रावेपा मा बृहतो मादयन्ति प्रवातेजा इरिणे ववृतानाः |
सोमस्येव मौजवतस्य भक्षो विभीदको जागृविर्मह्यमच्छान् || 1 ||
न मा मिमेषु न जिहीळ एषा शिवा सखिभ्य उत मह्यमासीत् |
अक्षस्याहमेकपुरस्य हेतोरनुव्रतामपं जायामरोधम् || 2 ||
द्वेष्टि श्वश्रुरपं जाया रुणद्धि न नाशितो विन्दते मर्दितारम् |
अश्वस्येव जरतो वस्यस्य नाहं विन्दामि कितवस्य भोगम् || 3 ||
अन्ये जायां परि मृशन्त्यस्य यस्यागृध्वेदने वाज्यक्षः |
पिता माता भ्रातर एनमाहुर्न जानीमो नयता बद्धमेतम् || 4 ||
यदादीध्ये न देविषाण्येभिः परायद्भ्योऽव हीये सखिभ्यः |
न्युप्ताश्च बभ्रवो वाचमक्रतं एमीदेषां निष्कृतं जारिणीव || 5 ||
सुभामेति कितवः पृच्छमानो जेष्यामीति तन्वाश् शूशुजानः |
अक्षासो अस्य वि तिरन्ति कामं प्रतिदीवे दधत् आ कृतानि || 6 ||
अक्षास इदङ्कशिनो नितोदिनो निक्त्वानस्तपनास्तापयिष्णवः |
कुमारदेष्या जयतः पुनर्हणो मध्वा संपृक्ताः कितवस्य बर्हणा || 7 ||

त्रिपञ्चाशः क्रीळति व्रात एषां देवइव सविता सत्यधर्मा ।
 उग्रस्य चिन्मन्यवे ना नमन्ते राजा चिदेभ्यो नम इत्कृणोति ॥ 8 ॥
 नीचा वर्तन्त उपरि स्फुरन्त्यहस्तासो हस्तवन्तं सहन्ते ।
 दिव्या अङ्गारा इरिणे न्युप्ताः शीताः सन्तो हृदयं निर्दहन्ति ॥ 9 ॥
 जाया तप्यते कितवस्य हीना माता पुत्रस्य चरतः क्व स्वित् ।
 ऋणावा बिभ्यद्धर्नमिच्छमानोऽन्येषामस्तमुप नक्तमेति ॥ 10 ॥
 स्त्रियं दृष्ट्वाय कितवं ततापान्येषां जायां सुकृतं च योनिम् ।
 पूर्वाह्ने अश्वान्युयुजे हि बभ्रून्त्सो अग्रेरन्ते वृषलः पपाद ॥ 11 ॥
 यो वः सेनानीर्महतो गुणस्य राजा व्रातस्य प्रथमो बभूव ।
 तस्मै कृणोमि न धना रुणध्मि दशाहं प्राचीस्तदृतं वदामि ॥ 12 ॥
 अक्षैर्मा दीव्यः कृषिमित्कृषस्व वित्ते रमस्व बहु मन्यमानः ।
 तत्र गार्वः कितव तत्र जाया तन्मे वि चष्टे सवितायमर्यः ॥ 13 ॥
 मित्रं कृणुध्वं खलु मृळता नो मा नो घोरेण चरताभि धृष्णु ।
 नि वो नु मन्युर्विशतामरातिरन्यो वभ्रूणां प्रसितौ न्वस्तु ॥ 14 ॥

(14)

35

(म. 10, अनु. 3)

ऋषिः लुशः धानाकः

छन्दः जगती 1-12, त्रिष्टुप् 13-14

देवता विश्वे देवाः

अबुध्रमु त्य इन्द्रवन्तो अग्रयो ज्योतिर्भरन्त उषसो व्युष्टिषु ।
 मही द्यावापृथिवी चेततामपोऽद्या देवानामव आ वृणीमहे ॥ 1 ॥
 दिवस्पृथिव्योरव आ वृणीमहे मातृन्तिसन्धुन्पर्वताञ्छर्यणावतः ।
 अनागास्त्वं सूर्यमुषासमीमहे भद्रं सोमः सुवानो अद्या कृणोतु नः ॥ 2 ॥
 द्यावा नो अद्य पृथिवी अनागसो मही त्रायेतां सुविताय मातरा ।
 उषा उच्छन्त्यप बाधतामघं स्वस्त्यश्ग्रिं समिधानमीमहे ॥ 3 ॥
 इयं न उस्मा प्रथमा सुदेव्यं रेवत्सनिभ्यो रेवती व्युच्छतु ।
 आरे मन्युं दुर्विदत्रस्य धीमहि स्वस्त्यश्ग्रिं समिधानमीमहे ॥ 4 ॥
 प्र याः सिस्रते सूर्यस्य रश्मिभिर्ज्योतिर्भरन्तीरुषसो व्युष्टिषु ।
 भद्रा नो अद्य श्रवसे व्युच्छत स्वस्त्यश्ग्रिं समिधानमीमहे ॥ 5 ॥
 अनमीवा उषस आ चरन्तु न उदग्रयो जिहतां ज्योतिषा बृहत् ।
 आयुक्षातामश्विना तूतुजिं रथं स्वस्त्यश्ग्रिं समिधानमीमहे ॥ 6 ॥
 श्रेष्ठं नो अद्य सवितर्वरेण्यं भागमा सुव स हि रत्नधा असिं ।
 रायो जनित्रीं धिषणामुप ब्रुवे स्वस्त्यश्ग्रिं समिधानमीमहे ॥ 7 ॥
 पिपर्तु मा तदृतस्य प्रवाचनं देवानां यन्मनुष्याः अमन्महि ।
 विश्वा इदुस्त्राः स्पळुदेति सूर्यः स्वस्त्यश्ग्रिं समिधानमीमहे ॥ 8 ॥
 अद्वेषो अद्य बर्हिषः स्तरीमणिं ग्राव्णां योगे मन्मनः सार्ध ईमहे ।
 आदित्यानां शर्माणि स्था भुरण्यसि स्वस्त्यश्ग्रिं समिधानमीमहे ॥ 9 ॥

आ नो ब्रिहः सधुमादे बृहद्विवि देवाँ ईळे सादया सप्त होतृन्	
इन्द्रं मित्रं वरुणं सातये भगं स्वस्त्यशुंग्रिं समिधानमीमहे	10
त आदित्या आ गता सर्वतातये वृधे नो यज्ञमवता सजोषसः	
बृहस्पतिं पूषणमश्विना भगं स्वस्त्यशुंग्रिं समिधानमीमहे	11
तन्नो देवा यच्छत सुप्रवाचनं छदिरादित्याः सुभरं नृपाय्यम्	
पश्वे तोकाय तनयाय जीवसे स्वस्त्यशुंग्रिं समिधानमीमहे	12
विश्वे अद्य मरुतो विश्वं ऊती विश्वे भवन्त्वग्रयुः समिद्धाः	
विश्वे नो देवा अवसा गमन्तु विश्वमस्तु द्रविणं वाजो अस्मे	13
यं देवासोऽवथु वाजसातौ यं त्रायध्वे यं पिपृथात्यंहः	
यो वो गोपीथे न भयस्य वेद ते स्याम देववीतये तुरासः	14

(14)

36

(म. 10, अनु. 3)

ऋषिः लुशः धानाकः

छन्दः जगती 1-12, त्रिष्टुप् 13-14

देवता विश्वे देवाः

उषासानक्ता बृहती सुपेशसा द्यावाक्षामा वरुणो मित्रो अर्यमा	
इन्द्रं हुवे मरुतः पर्वताँ अप आदित्यान्द्यावापृथिवी अपः स्वः	1
द्यौश्च नः पृथिवी च प्रचेतस ऋतावरी रक्षतामंहसो रिषः	
मा दुर्विदत्रा निरृतिर्न ईशत् तद्देवानामवो अद्या वृणीमहे	2
विश्वस्मान्नो अदितिः पात्वंहसो माता मित्रस्य वरुणस्य रेवतः	
स्वर्वृज्योतिरवृकं नशीमहि तद्देवानामवो अद्या वृणीमहे	3
ग्रावा वदन्नप रक्षांसि सेधतु दुष्वप्र्यं निरृतिं विश्वमत्रिणम्	
आदित्यं शर्म मरुतामशीमहि तद्देवानामवो अद्या वृणीमहे	4
एन्द्रो ब्रिहः सीदतु पिन्वतामिळा बृहस्पतिः सामभिर्ऋक्को अर्चतु	
सुप्रकेतं जीवसे मन्म धीमहि तद्देवानामवो अद्या वृणीमहे	5
दिविस्पृशं यज्ञमस्माकमश्विना जीराध्वरं कृणुतं सुम्रमिष्टयै	
प्राचीनरश्मिमाहुतं घृतेन तद्देवानामवो अद्या वृणीमहे	6
उप ह्वये सुहवं मारुतं गुणं पावकमृष्वं सख्यायं शंभुवम्	
रायस्पोषं सौश्रवसाय धीमहि तद्देवानामवो अद्या वृणीमहे	7
अपां पेरुं जीवधन्यं भरामहे देवाव्यं सुहवमध्वरश्रियम्	
सुरशिमं सोममिन्द्रियं यमीमहि तद्देवानामवो अद्या वृणीमहे	8
सनेम तत्सुसनिता सनित्वभिर्वयं जीवा जीवपुत्रा अनागसः	
ब्रह्मद्विषो विष्वगेनो भरेरत् तद्देवानामवो अद्या वृणीमहे	9
ये स्था मनोर्यज्ञियास्ते शृणोतन् यद्वो देवा ईमहे तददातन	
जैत्रं क्रतुं रयिमद्वीरवद्यशस्तद्देवानामवो अद्या वृणीमहे	10
महदद्य महतामा वृणीमहेऽवो देवानां बृहतामनर्वणाम्	
यथा वसु वीरजातं नशामहै तद्देवानामवो अद्या वृणीमहे	11

म॒हो अ॒ग्नेः संमि॒धानस्य॑ शर्म॒ण्यना॑गा मि॒त्रे वरु॑णे स्व॒स्तये॑
 श्रेष्ठे॑ स्याम सवितुः॑ सवी॒मनि॑ तद्देवानामवो॑ अ॒द्या वृ॒णीमहे॑ ॥ 12 ॥
 ये सवितुः॑ सत्यसंवस्य॑ विश्वे॑ मि॒त्रस्य॑ व्र॒ते वरु॑णस्य देवाः
 ते सौ॒भगं वी॒रवृ॒द्धोम॑दप्रो दधातन् द्रवि॑णं चि॒त्रम॑स्मे ॥ 13 ॥
 स॒वि॒ता प॒श्चात्ता॑त्सवि॒ता पुर॑स्तात्सवि॒तोत्तरा॑त्तात्सवि॒ताध॑रात्तात्
 स॒वि॒ता नः॑ सुवतु॑ सर्व॒तातिं॑ सवि॒ता नो॑ रासतां दी॒र्घमा॑युः ॥ 14 ॥

(12)

37

(म. 10, अनु. 3)

ऋषिः अभितपाः सौर्यः

छन्दः जगती 1-9, 11-12, त्रिष्टुप् 10

देवता सूर्यः

नमो॑ मि॒त्रस्य॑ वरु॒णस्य॑ चक्ष॒से म॒हो दे॒वाय॑ तद्दृ॒तं संप॑र्यत
 दूरे॑दृशे॑ देवजा॒ताय॑ के॒तवे॑ दि॒वस्पु॒त्राय॑ सू॒र्याय॑ शंसत ॥ 1 ॥
 सा मा॑ स॒त्योक्तिः॑ परि॑ पातु॒ विश्व॑तो द्यावा॑ च॒ यत्र॑ त॒तन्न॑हानि च
 विश्व॑मन्यन्नि॒ विश॑ते॒ यदे॑जति॒ विश्वा॑हापो॑ विश्वा॒होदे॑ति॒ सूर्यः॑ ॥ 2 ॥
 न ते॑ अदे॒वः प्र॑दि॒वो नि॑ वा॒सते॑ यदे॒तशे॑भिः प॒त्रै रथ॑र्यसिं
 प्रा॒चीन॑मन्यदनु॑ वर्तते॒ रज॑ उद॒न्येन॑ ज्या॒तिषा॑ यासि॒ सूर्य॑ ॥ 3 ॥
 येन॑ सू॒र्यं ज्यो॑तिषा॒ बाध॑से॒ तमो॑ जग॒च्च विश्व॑मु॒दिय॑र्षिं भानु॒ना
 तेना॑स्मद्वि॒श्वाम॑नि॒राम॑नाहु॒तिम॑पामी॒वामप॑ दु॒ष्वप्र्यं॑ सुव ॥ 4 ॥
 विश्व॑स्य॒ हि प्रेषि॑तो रक्ष॒सि व्र॑तमहे॒ळय॑न्नु॒च्चर॑सि स्व॒धा अनु॑
 यदु॑द्य॒ त्वां सू॒र्योप॑ब्रवा॒महे॑ तं नो॑ दे॒वा अनु॑ मंसीरत् क्र॒तुम् ॥ 5 ॥
 तं नो॑ द्यावा॒पृथि॑वी॒ तन्न॑ आप॒ इन्द्रः॑ शृण्वन्तु॒ मरु॑तो हव॑ वचः
 मा शू॑ने॒ भूम॑ सू॒र्यस्य॑ संदृशि॒ भद्रं॑ जी॒वन्तो॑ ज॒रणाम॑शीमहि ॥ 6 ॥
 विश्वा॑हा॒ त्वा सु॑मन॒सः सु॑चक्ष॒सः प्र॑जाव॒न्तो अन॑मी॒वा अना॑गसः
 उ॒द्यन्तं॑ त्वा मि॒त्रम॑हो दि॒वेदि॑वे॒ ज्यो॑ग्जी॒वाः प्रति॑ पश्येम॒ सूर्य॑ ॥ 7 ॥
 महि॑ ज्यो॒तिर्बिभ्र॑तं त्वा वि॒चक्ष॑ण॒ भास्व॑न्तं चक्षु॒षेचक्षु॑षु॒ मयः॑
 आ॒रोह॑न्तं बृ॒हतः॑ पा॒जस॑स्परि॒ वयं॑ जी॒वाः प्रति॑ पश्येम॒ सूर्य॑ ॥ 8 ॥
 यस्य॑ ते॒ विश्वा॑ भुव॒नानि॑ के॒तुना॑ प्र॒ चेर॑ते॒ नि च॑ विश॒न्ते अ॒क्तुभिः॑
 अ॒ना॒गास्त्वेन॑ हरि॒केश॑ सू॒र्याह्वा॑हा॒ नो वस्य॑सावस्य॒सोदि॑हि ॥ 9 ॥
 शं नो॑ भव॒ चक्ष॑सा॒ शं नो॑ अ॒ह्वा शं॑ भानु॒ना शं॑ हि॒मा शं॑ घृ॒णेन॑
 यथा॑ शमध्व॒ञ्छम॑सद्दुरो॒णे तत्सूर्य॑ द्रवि॑णं धेहि चि॒त्रम् ॥ 10 ॥
 अ॒स्माकं॑ दे॒वा उ॒भया॑य॒ जन्म॑ने॒ शर्म॑ यच्छत॒ द्विप॑दे॒ चतु॑ष्पदे
 अ॒दत्पि॑ब॒दूर्ज॑यमान॒माशितं॑ तद॒स्मे शं॑ यो॒ररु॑पो दधातन् ॥ 11 ॥
 यद्वा॑ दे॒वाश्च॑कृम जि॒ह्वाया॑ गुरु॒ मन॑सो॒ वा प्र॑युती॒ देव॑हे॒ळन॑म्
 अ॒रा॒वा यो॑ नो॒ अ॒भि दु॑च्छु॒नाय॑ते॒ तस्मि॑न्तदे॒नो॑ वस॒वो नि॑ धेतन् ॥ 12 ॥

(5)

38

(म. 10, अनु. 3)

ऋषिः मुष्कवान् इन्द्रः

छन्दः जगती

देवता इन्द्रः

अस्मिन्न इन्द्र पृत्सुतौ यशस्वति शिमीवति क्रन्दसि प्राव सातये |
 यत्र गोषाता धृषितेषु खादिषु विष्वक्पतन्ति दिद्यवो नृषाह्ये || 1 ||
 स नः क्षुमन्तं सदेने व्यूर्णहि गोअर्णसं रयिमिन्द्र श्रवाय्यम् |
 स्याम ते जयतः शक्र मेदिनो यथा वयमुश्मसि तद्वसो कृधि || 2 ||
 यो नो दासु आयो वा पुरुष्टुतादेव इन्द्र युधये चिकेतति |
 अस्माभिष्टे सुषहाः सन्तु शत्रवस्त्वया वयं तान्वनयाम संगमे || 3 ||
 यो दुभ्रेभिर्हव्यो यश्च भूरिभिर्यो अभीके वरिवोविनृषाह्ये |
 तं विखादे सस्त्रिमद्य श्रुतं नरमूर्वाञ्चमिन्द्रमवसे करामहे || 4 ||
 स्ववृजं हि त्वामहमिन्द्र शुश्रवानानुदं वृषभ रध्रचोदनम् |
 प्र मुञ्चस्व परि कुत्सादिहा गहि किमु त्वावान्मुष्कयोर्बद्ध आसते || 5 ||

(14)

39

(म. 10, अनु. 3)

ऋषिः घोषा कक्षीवती

छन्दः जगती 1-13, त्रिष्टुप् 14

देवता अश्विनौ

यो वां परिज्मा सुवृदश्विना रथो दोषामुषासो हव्यो हविष्मता |
 शश्वत्तमासस्तमु वामिदं वयं पितुर्न नाम सुहवं हवामहे || 1 ||
 चोदयतं सूनृताः पिन्वतं धियु उत्पुरंधीरीरयतं तदुश्मसि |
 यशसं भागं कृणुतं नो अश्विना सोमं न चारुं मघवत्सु नस्कृतम् || 2 ||
 अमाजुरश्विद्धवथो युवं भगोऽनाशोश्चिदवितारापमस्यं चित् |
 अन्धस्यं चिन्नासत्या कृशस्यं चिद्युवामिदाहृभिषजा रुतस्यं चित् || 3 ||
 युवं च्यवानं सनयं यथा रथं पुनर्युवानं चरथाय तक्षथुः |
 निष्टौग्र्यमूहथुरद्ध्यस्परि विश्वेत्ता वां सर्वनेषु प्रवाच्या || 4 ||
 पुराणा वां वीर्यां प्र ब्रवा जनेऽथो हासथुभिषजा मयोभुवा |
 ता वां नु नव्याववसे करामहेऽयं नासत्या श्रदरिर्यथा दधत् || 5 ||
 इयं वामहे श्रुणुतं मे अश्विना पुत्रायैव पितरा मह्यं शिक्षतम् |
 अनापिरजा असजात्यामतिः पुरा तस्या अभिशस्तेरव स्पृतम् || 6 ||
 युवं रथेन विमदायं शुन्ध्युवं न्यूहथुः पुरुमित्रस्य योषणाम् |
 युवं हवं वधिमत्या अगच्छतं युवं सुषुतिं चक्रथुः पुरंधये || 7 ||
 युवं विप्रस्य जरणामुपेयुषः पुनः कलेरकृणुतं युवद्वयः |
 युवं वन्दनमृश्यादादुदूपथुर्युवं सद्यो विश्लामेतवे कृथः || 8 ||
 युवं ह रेभं वृषणा गुहा हितमुदैरयतं ममृवांसमश्विना |
 युवमृवीसमुत तप्तमत्रय ओमन्वन्तं चक्रथुः सप्तवधये || 9 ||
 युवं श्वेतं पेदेवैऽश्विनाश्वं नवभिर्वाजैर्नवती च वाजिनम् |
 चर्कृत्यं ददथुर्द्राव्यत्सखं भगं न नृभ्यो हव्यं मयोभुवम् || 10 ||
 न तं राजानावदिते कुतश्चन नाहो अश्रोति दुरितं नकिर्भयम् |

यमश्विना सुहवा रुद्रवर्तनी पुरोरथं कृणुथः पत्या सह	॥ 11 ॥
आ तेन यातं मनसो जवीयसा रथं यं वामृभवश्चक्रुरश्विना	
यस्य योगे दुहिता जायते दिव उभे अहनी सुदिने विवस्वतः	॥ 12 ॥
ता वर्तिर्यातं ज्युषा वि पर्वतमपिन्वतं शयवे धेनुमश्विना	
वृकस्य चिद्वर्तिकामन्तरास्याद्युवं शचीभिर्ग्रसिताममुञ्चतम्	॥ 13 ॥
एतं वां स्तोममश्विनावकर्मातक्षाम् भृगवो न रथम्	
न्यमृक्षाम् योषणां न मर्ये नित्यं न सूनुं तनयं दधानाः	॥ 14 ॥

(14)

40

(म. 10, अनु. 3)

ऋषिः घोषा कक्षीवती	छन्दः जगती	देवता अश्विनौ
--------------------	------------	---------------

रथं यान्तं कुह को ह वां नरा प्रति द्युमन्तं सुविताय भूषति	
प्रातर्यावाणं विभ्वं विशेविशे वस्तोर्वस्तोर्वहमानं धिया शमि	॥ 1 ॥
कुहं स्विद्वोषा कुह वस्तोरश्विना कुहाभिपित्वं करतः कुहोषतुः	
को वां शयुत्रा विधवेव देवरं मर्यं न योषा कृणुते सधस्थ आ	॥ 2 ॥
प्रातर्जरेथे जरणेव कार्पया वस्तोर्वस्तोर्यजता गच्छथो गृहम्	
कस्य ध्वस्ना भवथः कस्य वा नरा राजपुत्रेव सवनाव गच्छथः	॥ 3 ॥
युवां मृगेव वारणा मृगण्यवो दोषा वस्तोर्हविषा नि ह्वयामहे	
युवं होत्रामृतुथा जुह्वते नरेषुं जनाय वहथः शुभस्पती	॥ 4 ॥
युवां ह घोषा पर्याश्विना यती राज ऊचे दुहिता पृच्छे वां नरा	
भूतं मे अहं उत भूतमृक्त्वेऽश्वावते रथिने शक्तमर्वते	॥ 5 ॥
युवं कवी ष्टः पर्याश्विना रथं विशो न कुत्सो जरितुर्नशायथः	
युवोर्ह मक्षा पर्याश्विना मध्वासा भरत निष्कृतं न योषणा	॥ 6 ॥
युवं ह भुज्युं युवमश्विना वशं युवं शिञ्जारमुशानामुपारथुः	
युवो ररावा परि सख्यमासते युवोरहमवसा सुम्रमा चके	॥ 7 ॥
युवं ह कृशं युवमश्विना श्युं युवं विधन्तं विधवामुरुष्यथः	
युवं सनिभ्यः स्तनयन्तमश्विनापं व्रजमूर्णुथः सप्तास्यम्	॥ 8 ॥
जनिष्ट योषा पतयत्कनीनको वि चारुहन्वीरुधो दुंसना अनु	
आस्मै रीयन्ते निवनेव सिन्धवोऽस्मा अहं भवति तत्पतित्वनम्	॥ 9 ॥
जीवं रुदन्ति वि मयन्ते अध्वरे दीर्घामनु प्रसिति दीधियुर्नरः	
वामं पितृभ्यो य इदं संमेरिरे मयः पतिभ्यो जनयः परिष्वजे	॥ 10 ॥
न तस्य विद्म तदु षु प्र वोचत् युवां ह यद्युवत्याः क्षेति योनिषु	
प्रियोस्त्रियस्य वृषभस्य रेतिनो गृहं गमेमाश्विना तदुश्मसि	॥ 11 ॥
आ वामगन्तसुमतिर्वाजिनीवसू न्यश्विना ह्रत्सु कामा अयंसत	
अभूतं गोपा मिथुना शुभस्पती प्रिया अर्यम्णो दुर्या अशीमहि	॥ 12 ॥
ता मन्दसाना मनुषो दुरोण आ धत्तं रथिं सहवीरं वचस्यवे	

कृतं तीर्थं सुप्रपाणं शुभस्पती स्थाणुं पथेष्ठामपं दुर्मतिं हतम् ॥ 13 ॥

कं स्विदद्य कतमास्वश्विनां विक्षु दुस्त्रा मादयेते शुभस्पतीं ॥

क ईं नि येमे कतमस्यं जग्मतुर्विप्रस्य वा यजमानस्य वा गृहम् ॥ 14 ॥

(3)

41

(म. 10, अनु. 3)

ऋषिः घौषेयः सुहस्त्यः

छन्दः जगती

देवता अश्विनौ

समानमु त्यं पुरुहूतमुक्थ्यं रथं चित्रक्रं सर्वना गनिगमतम् ॥

परिज्मानं विदथ्यं सुवृक्तिभिर्वयं व्युष्टा उषसो हवामहे ॥ 1 ॥

प्रातर्युजं नासत्याधि तिष्ठथः प्रातर्यावाणं मधुवाहनं रथम् ॥

विशो येन गच्छथो यज्वरीररा कीरेश्चिद्यज्ञं होतृमन्तमश्विना ॥ 2 ॥

अध्वर्युं वा मधुपाणिं सुहस्त्यमग्निधं वा धृतदक्षं दर्मूनसम् ॥

विप्रस्य वा यत्सर्वनानि गच्छथोऽत आ यातं मधुपेयमश्विना ॥ 3 ॥

(11)

42

(म. 10, अनु. 3)

ऋषिः कृष्णः आङ्गिरसः

छन्दः त्रिष्टुप्

देवता इन्द्रः

अस्तेव सु प्रतरं लायमस्यन्भूषन्निव प्र भरा स्तोममस्मै ॥

वाचा विप्रास्तरत् वाचमर्यो नि रामय जरितः सोम इन्द्रम् ॥ 1 ॥

दोहेन गामुपं शिक्षा सखायं प्र बोधय जरितर्जारमिन्द्रम् ॥

कोशं न पूर्णं वसुना न्यृष्टमा च्यावय मघदेयाय शूरम् ॥ 2 ॥

किमङ्ग त्वा मघवन्भोजमाहुः शिशोहि मां शिशयं त्वा शृणोमि ॥

अप्रस्वती मम धीरस्तु शक्र वसुविदुं भर्गमिन्द्रा भरा नः ॥ 3 ॥

त्वां जना ममसत्येष्विन्द्र संतस्थाना वि ह्वयन्ते समीके ॥

अत्रा युजं कृणुते यो हविष्मान्नासुन्वता सुख्यं वष्टि शूरः ॥ 4 ॥

धनं न स्पन्द्रं बहुलं यो अस्मै तीव्रान्तसोमां आसुनोति प्रयस्वान् ॥

तस्मै शत्रून्सुतुकान्प्रातरहो नि स्वष्ट्रान्युवति हन्ति वृत्रम् ॥ 5 ॥

यस्मिन्वयं दधिमा शंसमिन्द्रे यः शिश्राय मघवा काममस्मे ॥

आराञ्चित्सन्भयतामस्य शत्रुर्न्यस्मै द्युम्ना जन्या नमन्ताम् ॥ 6 ॥

आराच्छत्रुमपं बाधस्व दूरमुग्रो यः शम्बः पुरुहूत् तेन ॥

अस्मे धैहि यवमद्गोमदिन्द्र कृधी धियं जरित्रे वाजरत्नाम् ॥ 7 ॥

प्र यमन्तवृषसुवासो अगमन् तीव्राः सोमा बहुलान्तासु इन्द्रम् ॥

नाहं दामानं मघवा नि यंसन्नि सुन्वते वहति भूरि वामम् ॥ 8 ॥

उत प्रहामतिदीव्या जयाति कृतं यच्छ्वघ्री विचिनोति काले ॥

यो देवकामो न धना रुणद्धि समित्तं राया सृजति स्वधावान् ॥ 9 ॥

गोभिष्टरेमामतिं दुरेवां यवेन क्षुधं पुरुहूत् विश्वाम् ॥

वयं राजभिः प्रथमा धनान्यस्माकेन वृजनैना जयेम ॥ 10 ॥

बृहस्पतिर्नः परि पातु पश्चादुतोत्तरस्मादधरादघायोः ॥

इन्द्रः पुरस्तादुत मध्यतो नः सखा सखिभ्यो वरिवः कृणोतु

॥ 11 ॥

(11)

43

(म. 10, अनु. 4)

ऋषिः कृष्णः आङ्गिरसः

छन्दः जगती 1-9, त्रिष्टुप् 10-11

देवता इन्द्रः

अच्छां म् इन्द्रं मृतयः स्वर्विदः सध्रीचीर्विश्वा उशतीरनूषत |
परिं प्वजन्ते जनयो यथा पतिं मर्यं न शुन्ध्युं मघवानमृतये || 1 ||
न घां त्वद्रिगपं वेति मे मनस्त्वे इत्कामं पुरुहूत शिश्रय |
राजैव दस्म नि षदोऽधि बर्हिष्यस्मिन्सु सोमोऽवपानमस्तु ते || 2 ||
विष्वृदिन्द्रो अमतेरुत क्षुधः स इद्रायो मघवा वस्व ईशते |
तस्येदिमे प्रवृणे सप्त सिन्धवो वयो वर्धन्ति वृषभस्य शुष्मिणः || 3 ||
वयो न वृक्षं सुपलाशमासदन्त्सोमासु इन्द्रं मन्दिनश्चमूषदः |
प्रैषामनीकं शर्वसा दविद्युतद्विदत्स्वर्म्मनवे ज्योतिरार्यम् || 4 ||
कृतं न श्वघ्नी वि चिनोति देवने संवर्गं यन्मघवा सूर्यं जयत् |
न तत्ते अन्यो अनु वीर्यं शकन्न पुराणो मघवन्नोत नूतनः || 5 ||
विशंविशं मघवा पर्यशायत् जनानां धेनां अवचाकशदृषा |
यस्याहं शक्रः सर्वनेषु रण्यति स तीव्रैः सोमैः सहते पृतन्यतः || 6 ||
आपो न सिन्धुमभि यत्समक्षरन्त्सोमासु इन्द्रं कुल्याइव हृदम् |
वर्धन्ति विप्रा महो अस्य सादने यवं न वृष्टिदिव्येन दानुना || 7 ||
वृषा न क्रुद्धः पतयद्रजःस्वा यो अर्यपत्नीरकृणोदिमा अपः |
स सुन्वते मघवा जीरदानवेऽविन्दुज्योतिर्मनवे हविष्मते || 8 ||
उज्जायतां परशुज्योतिषा सह भूया ऋतस्य सुदुर्घा पुराणवत् |
वि रौचतामरुषो भानुना शुचिः स्वर्णं शुक्रं शुशुचीत् सत्पतिः || 9 ||
गोभिष्टरेमामतिं दुरेवां यवेन क्षुधं पुरुहूत विश्वाम् |
व्यं राजभिः प्रथमा धनान्यस्माकेन वृजनैना जयेम || 10 ||
बृहस्पतिर्नः परिं पातु पश्चादुतोत्तरस्मादधरादघायोः |
इन्द्रः पुरस्तादुत मध्यतो नः सखा सखिभ्यो वरिवः कृणोतु || 11 ||

(11)

44

(म. 10, अनु. 4)

ऋषिः कृष्णः आङ्गिरसः

छन्दः त्रिष्टुप् 1-3, 10-11, जगती 4-9

देवता इन्द्रः

आ यात्विन्द्रः स्वपतिर्मदायु यो धर्मणा तूतुजानस्तुविष्मान् |
प्रत्वक्षाणो अति विश्वा सहांस्यपारेण महता वृष्येन || 1 ||
सुष्ठामा रथः सुयमा हरीं ते मिम्यक्ष वज्रो नृपते गर्भस्तौ |
शीभं राजन्सुपथा याह्यर्वाङ् वर्धाम ते पपुषो वृष्यानि || 2 ||
एन्द्रवाहो नृपतिं वज्रबाहुमुग्रमुग्रासस्तविषास एनम् |
प्रत्वक्षसं वृषभं सत्यशुष्ममेर्मस्मन्ना संधमादो वहन्तु || 3 ||
एवा पतिं द्रोणसाचं सचेतसमूर्जः स्कम्भं धरुण आ वृषायसे |
ओजः कृष्व सं गृभाय त्वे अप्यसो यथा केनिपानामिनो वृधे || 4 ||

गर्मन्त्रस्मे वसून्या हि शंसिषं स्वाशिषं भरमा याहि सोमिनः |
 त्वमीशिषे सास्मिन्ना सत्सि बर्हिष्यनाधृष्या तव पात्राणि धर्मणा || 5 ||
 पृथक् प्रार्यन् प्रथमा देवहृतयोऽकृण्वत श्रवस्यानि दुष्टरा |
 न ये शेकुर्यज्ञियां नावमारुहमीमेव ते न्यविशन्तु केपयः || 6 ||
 एवैवापागपरे सन्तु दूढ्योऽश्वा येषां दुर्युज आयुयुजे |
 इत्था ये प्रागुपरे सन्ति दावने पुरूणि यत्र व्युनानि भोजना || 7 ||
 गिरीरज्जानेजमानां आधारयद् द्यौः क्रन्ददन्तरिक्षाणि कोपयत् |
 समीचीने धिषणे वि ष्कभायति वृष्णाः पीत्वा मद उक्थानि शंसति || 8 ||
 इमं बिभर्मि सुकृतं ते अङ्कुशं येनारुजासि मघवञ्छफारुजः |
 अस्मिन्त्सु ते सर्वने अस्त्वोक्तं सुत इष्टौ मघवन्बोध्याभगः || 9 ||
 गोभिष्टरेमार्मतिं दुरेवां यवेन क्षुधं पुरूहूत विश्वाम् |
 व्यं राजभिः प्रथमा धनान्यस्माकेन वृजनैना जयेम || 10 ||
 बृहस्पतिर्नः परि पातु पश्चादुतोत्तरस्मादधरादघायोः |
 इन्द्रः पुरस्तादुत मध्यतो नः सखा सखिभ्यो वरिवः कृणोतु || 11 ||

(12)

45

(म. 10, अनु. 4)

ऋषिः वत्सप्रिः भालन्दनः

छन्दः त्रिष्टुप्

देवता अग्निः

दिवस्परिं प्रथमं जज्ञे अग्रिरस्मद् द्वितीयं परि जातवेदाः |
 तृतीयमप्सु नृमणा अजस्रमिन्धान एनं जरते स्वाधीः || 1 ||
 विद्या ते अग्ने त्रेधा त्रयाणि विद्या ते धाम विभृता पुरुत्रा |
 विद्या ते नाम परमं गुहा यद्विद्या तमुत्सं यत आजगन्थ || 2 ||
 समुद्रे त्वा नृमणा अप्स्वश्न्तर्नृचक्षा इधे दिवो अग्र ऊधन् |
 तृतीयं त्वा रजसि तस्थिवांसमपामुपस्थे महिषा अवर्धन् || 3 ||
 अक्रन्ददग्निः स्तनयन्निव द्यौः क्षामा रेरिहद्वीरुधः समञ्जन् |
 सद्यो जज्ञानो वि हीमिद्धो अख्यदा रोदसी भानुना भात्यन्तः || 4 ||
 श्रीणामुदारो धरुणो रयीणां मनीषाणां प्रापणः सोमगोपाः |
 वसुः सूनुः सहसो अप्सु राजा वि भात्यग्र उषसामिधानः || 5 ||
 विश्वस्य केतुर्भुवनस्य गर्भं आ रोदसी अपृणाञ्जायमानः |
 वीळुं चिदद्रिमभिनत्परायञ्जना यदग्रिमयजन्त पञ्च || 6 ||
 उशिकपावको अरतिः सुमेधा मतेष्वग्रिरमृतो नि धायि |
 इर्यति धूममरुषं भरिभृदुच्छुक्रेण शोचिषा द्यामिनक्षन् || 7 ||
 दृशानो रुक्म उर्विया व्यद्यौदुर्मर्षमायुः श्रिये रुचानः |
 अग्रिरमृतो अभवद्वयोभिर्यदेनं द्यौर्जनयत्सुरेताः || 8 ||
 यस्तै अद्य कृणवद्भद्रशोचेऽपूपं देव घृतवन्तमग्रे |
 प तं नय प्रतरं वस्यो अच्छाभि सुग्रं देवभक्तं यविष्ठ || 9 ||
 आ तं भज सौश्रवसेष्वग्र उक्थउक्थ आ भज शस्यमाने |
 प्रियः सूर्ये प्रियो अग्रा भवात्युज्जातेन भिनदुदुञ्जित्वैः || 10 ||
 त्वामग्रे यजमाना अनु द्यून्विश्या वसु दधिरे वार्याणि |

त्वया सह द्रविणमिच्छमाना ब्रजं गोमन्तमुशिजो वि वव्रुः ॥ 11 ॥

अस्ताव्यग्रिर्नरां सुशेवो वैश्वानर ऋषिभिः सोमगोपाः |

अद्वेषे द्यावापृथिवी हुवेम् देवा धत्त रयिम्स्मे सुवीरम् ॥ 12 ॥

| इति सप्तमाष्टके अष्टमोऽध्यायः समाप्तः |

| इति सप्तमोऽष्टकः समाप्तः |